

銅梁山人詩集

銅梁山人詩集卷第十四

渝江王汝璧鎮之

途中喜雨作歌

濃陰霽歷塵不飛
蒼天如笠雲垂垂
四圍樹色綠復綠
碧琉璃貯青瑤枝
濯枝白雨密如粟
連阡接陌平溝池
行來不覺巾角墊
喜極何用衣瓦爲
有如執熱愛新浴
祇恐熱風乾我衣
老農扶犁仰天喜
今年又得飽食矣
牛心踴躍牛尾搖
齊力高原走如蟻

九重聖人駕六龍
咳唾呼吸天爲通
昨朝

清問及借糶今日甘雨來
龐洪濕雲前導馬首東
千里濺澤連恒崇小臣載雨旋
天雄拜手稽首歌
元豐

過漳沔

兩月漳沔數往回沙痕涸處已成堆
潛心呪入庚泥底要倩髯羊行雨來

曲陽山中

古槐新柳入山邨翠色侵衣若可捫
天澹雲閒無野馬泉甘土厚有烏犍
秫田近水茸茸長綿地蒸沙細細溫
今夜夢棲恒嶽廟飛泉好乞作瓢翻

北嶽廟題壁

有吳道子
畫鬼尙存

崢嶸畫壁對孱顏
窮鬼從知住此間
我本好奇非有約
五年三上曲陽山

題呂翁祠

袞袞紅塵日未晡
勞人渴驥共奔趨
風雲兒女情都遣
一飯黃粱夢也無
神仙富貴總無因
栩栩莊生夢絕塵
畢竟呂翁多好事
蓬萊豈乏掃花人

永年道中作

荒祠古蟄虺卧鐘
野花向日斑斑紅
泥人兀坐寂

無語白楊獵雪生旋風野翁持琰向空擲陰陽愆
伏誰能窮龍神社鬼禱已數饑蚪貼壁無神工麥
苗種種似禿髡高田兆折如龜穹井園有地亦漸
涸安得神漢飛流淙百錢一夫競繙轆十畝已費
千錢傭老人抱甕仰太息桔槔謀拙難爲功語翁
歸慰爾婦子

九重宵旰殷

宸衷旣寬爾賦貸爾粟

渥恩次第如雲濃亟修襪襖待甘雨秋田黍菽猶
能豐繫予作歌告爾牧何以除莠安良農

歸署日遇雨志喜

去冬歸路雪霏霏此日言旋雨滿衣自是逢時成
巧遇便如有約得先幾行來快覩民聲樂喜劇渾
忘客路饑盡日天瓢傾灑處淋漓元氣透車幃

病中口占

端居無那感沉吟斃弭輶車溽暑侵病不得閒民
事重靜偏難遣殷憂深已空幻相拈花影肯忘塵
勞救渴心一夜望雲渾不寐煩疴散處待甘霖

雷雨志喜用前韻

時夏至
後一日

昨夜纔爲夢雨吟曉來雲氣枕函侵雷聲遠自千

金華山人詩 三
峯下渠水平添一尺深
翕翕電光吟首笑茫茫
澤

昊蒼心良田功倍誰云晚
長養風中慶作霖

越二日復得大雨喜疊前韻

詩成賀雨自高吟
旱氣潛消沴不侵
半載吁嗟霽
祀急十分淪浹

主恩深儒生但識陰陽氣
赤子全通天地心
无妄
雷行成有望
捍災到底是爲霖

咏烏

槐院陰濃曙色遐
將雛八九見慈鴉
那能朝夕離

官府常欲飛騰衛日華
合處風雲看颯沓
棲來星月任橫斜
更誰潑墨能塗抹
醉素顛張莫浪誇

聽蛙

池塘雨後蛤聲遙
新水纔添氣正驕
似聽鼓鼙思勇士
更隨歌吹樂清宵
侏僂梵唄星光動
押闔陰陽電影搖
最是庾辭難盡解
滂沱將至好招邀

夢中作詠桂花詩記憶一聯云
夜月喜先得天風時一來枕上足
成長律一首

靈根傳鷺嶺清夢到雲隈
夜月喜先得天風時一來連蜷
僊客影曲拂小山栽金粟前身
憶曇花丈

金華山人詩
室猜渚煙雙鳳別峽雨古祠哀多謝拈花意誰堪
作賦才

雨後郊行口占

高田甲宅下丰蒙夏日如春見化功徧地風雲方
雨後滿原黍菽正心中郊圻昨日纔驅旱方社今
朝已慶豐笑指甘膏行處有向人新綠正芃芃
奉

命赴臨清截留漕糧途中大雨紀
恩志喜用

淵明始春懷古田舍韻

靈雨昨已零芳原今始踐新苗扇和風旱虐亦旣

免沿流聽挈音衛汶春波緬萬斛分神倉

睿慮籌至善豈惟賑恤資不費牛車遠雨中逢老
笑語攜鉏返

皇恩浹已深天澤潤寧淺

野人事耕鑿八口但食貧得茲一鼃飽不惜終歲
勤春雨偶愆期嗟彼望澤人郊原被甘澍被濯方
自新行子快沾濡相對交歡忻霽然風雨來阡陌
如通津醵錢急報賽祀竈招比鄰莫笑一奩薄穰
穰錫我民

邪許曲六解題浮山樓觀水圖

甲寅六月奉

命赴臨清截留南漕二十萬石寓河西陳
氏之浮山樓晝長多暇與賓從觴詠其中
時漳衛兩河漲發水薄樓濬瀆漩滌洄晨
夕異態憑闌遠眺有合乎大水必觀之義
焉因屬長垣丞仁和潘厚甫寫爲圖同人
各爲詩歌以紀時從遊者潘厚甫暨弟雪
峯元城丞施秉陳徵雲會稽沈上舍青藜
錢唐吳壻芍坡也

邪許汶水沄沄合漳河亶亶流

皇恩更比春波濶一夕甘霖徧九州

邪許浦漲鼉吟急泥香燕語低水閣誰家換青苧
魚雲一片罨河西

邪許萬斛龍驤住千帆鳳翼收

丹詔十行來日下天囷甘萬截南州

邪許草色青如織禾苗碧似茵艇子阿誰搖雨櫂
伯勞飛去綠楊津

邪許水北樓陰靜天南雨脚飛仙客兩三同徙倚
舟人爭指五銖衣

邪許樓頭黃鶴舞壁上石榴書日日天風響松籟

金史卷一百一十五
水嬉何用聽笙竿

留廣宗令潘皆山鉅鹿令孫禹橋小飲卽席
索諸同人和

誰與公榮飲興開
雨河新漲綠如醅
扶搖風裏輕帆上
輿譁聲中急雨來
小院槐榆堪結夏
高樓賓客此銜盃
何須浪醉誇河朔
暫借陶巾漉一回

題臨清陳氏小齋

微涼侵牖綠雲濃
繞屋扶疏樹影重
他日相思無限意
兩株紅豆一盆松

放手江湖世載情
伊人蘭澤感平生
兩旬一覺西

州夢聽徧瀟瀟暮雨聲

留別陳氏園林

小樓臨水處半月好因依木石有真意
兒童無俗機兩厓波浪濶一室嘯歌圍
衣帶蘭蓀結秋香滿載歸

邱縣故城營阻水

雲氣茫茫白墟煙漠漠同良籌思水韉
廋語笑山鵲暗浪圍荒戍鳴鉦急晚風
不眠看櫂馬倣儻欲騰空

晚秣

晚高粱僅二尺許詢之農民云
長七葉卽秀六十日收成還倉

新禾抽碧玉生意不尋常七葉便成穗六旬還入
倉耕宜乘伏雨收未及秋霜嘉種眞天錫甯惟儉
歲糧

信宿威縣

雲氣馬頭白魚鱗蹙遠空近河三郡接新漲百川
同厲揭味所向滄浪聽平聲不窮威州聊弭轡津筏

叩禪宮時寓文殊寺

涉水

似覺天江動新秋此望洋吹湍浮馬耳破浪沒車
箱忠信誠堪恃波濤未敢忘莫教流汗漫且可塞

沙囊

七夕

靈鵲何緣送喜頻
碧霄如夢夜如春
從來佳夕皆愁夕
終古仙人是恨人
一水自隨斜月去
三星獨共斷雲親
洗車淚雨休教落
連日秋河異漲新

雨過得句

獨樹午方靜
空庭人未來
微涼吹雨過
寂坐看花開
池檻添新漲
雲根有殷雷
更愁秋潦集
凝望獨裋裊

衛河勘水

一往全漳水衝波入衛渾濤聲雲外湧虹氣雨中
昏積潦紛盈畝流沙半擁村愜山遺法在載石好
重論

邯鄲道中

細雨邯鄲道輶車不暫停風塵催鬢白禾黍向人
青野店誰方夢高秋酒未醒遠山迎送處往復笑
勞形

曉行田間

不覺生衣薄涼雲逐馬行曉天收雨意昨夜有蛩
聲水落纔乘屋沙肥亟勸耕區田齊種薯亦可報

長生

甘薯不畏旱澇而蕃滋畝可千
斤時方勸民廣種以備年饑

題蠟墨研

蠟墨蠟墨知白而黑自食而力自求多福

蠟墨瞿瞿伏於元圖抱貞含符職思其居

題觀亭校射圖用昌黎汴泗交流韻

署西有小圃高平如遶方亭踞池上顏曰

觀亭暇時與吳倩芍坡黃倩繡以蔣甥景

元較射其中非惟觀德亦用習勞焉

射圃迢迢屋西角碧池亭子方如削二三子者來

迢迢采蘋初奏鞞紅旗安得百仞踞高足張侯執

鹿夫何爲的暈重重目
睚定日輝環抱交相映對
朔弓影乍合離奔星一點
誰能羈幾時盡得飛衛
術前括未去後鏃馳讀書
講武時多暇細要之子
因時化魯鼓薛鼓聲何粗
雷驚雨驟相歡呼豈知
握奇制在氣矢窮力盡非
良圖凝神審固若無得
終古直狼無盜賊

秋蟲

秋氣一何喜秋蟲爭夜鳴
二更風掃砌一尺月當楹
近壁多繁響疏林有曼聲
蕭蕭催雨過寂寂待人行
石竹纔棲蝶屏山半掩檠
寒梭天杳杳蔓草

露盈盈砧杆誰家急圍亭此夜清空階今古思遠
道別離情絡緯吟何切鷓鴣雞氣不平激昂思勇士
詰屈訴平生秋室楊雄寤東牆宋玉驚商歌出金
石古調正鏗錚

秋鳥

鳥意知秋意寥天氣正佳盤雕千仞直遰雁一行
斜艾葉驚朝雉楓林點暮鴉牽懷聽空谷飛夢繞
平沙風色催孤翼山光卷落霞準繩秋有影雲海
路無涯弋慕雙鷁下絃揮逝鳥遐周周初戢羽燕
燕未辭家露枕纔聞警星橋孰繫槎解縈終一到

市樹豈三义獨客愁陰雨臯禽叫日華洞簫清噦
發桂渚有高花

讀孟東野詩

秋鐙照詩骨石壁泣瘦鬼前古無古人後古無知
已峽猿啼春花嶰竹結秋子鈎摘下斗牛剗削入
神髓狂吞海上山三咽井邊李雲車崑毛縮峻狼
日爲弭退之自覺肥長吉尙有喜造物何拘拘斯
骨乃磊磊莫嘲食小鮮六鰲一鈎耳

陳徵雲送雙鵲酬以一律索同人和

多君雙鳥意何如風骨威棱欲起予青鳳本來無

藻飾鵷鷺豈獨擅名譽褐衣相對貌何古丹距特
擎神自舒最是崢嶸見冠角如親猛士讀奇書

喜晴

漸覺秋容淨芻尼報曉晴極天瞻嶽峻市地喜河
清鵬鷺增神骨松篁見性情三農尤慰望麥隴正
深耕

題秋河利涉圖

伏秋甚雨漲川漫漫田廬奉

命察勘撫恤周循原塋間積水尋丈適漳
河建瓴下騎不得前趣絙木爲桴絕流以

濟僕御皆有忠信感奮之思焉長垣潘丞
寫爲圖同人各作詩歌以紀斯致

漢津屢見顏雲過烝烝白躋翻銀波冰夷前驅屏
翳下雨厓牛馬知如何封豨怒牙決奎瀆天江搖
動疑騰梭滢沼漳衛莽東注桑乾一氣連滹池百
川向若若不受曰余杯水無求多上游瀆鬼各奔
潰秋田夜半聞鳴鼉頑甲腥涎衆昂首老鼉隊領
如優婆饑蛟臥遊類溝斷忽作鱷尾鈎馱羸異哉
四嬰坐一篋拍浮相响無驚訛誰家女兒附筇筥
漁人網得皆無它乃知元冥德泰大肯忍赤子墮

盤渦

以上皆盛漲時實事如此

我

皇如天至仁聖怒然詔下先疏河
々々流各貫
弗洿邪蟹堞爭爬羅天倉散粟似飛雨
一夕灑遍
枯蓬科小臣奉

命亟撫勘前旌載導驚與鳴望洋炫晃不得路問
津往往逢鯨鮓遙村一遶樹如齊千頃回復皆魚
陂奔湍馬首建瓴下平地只尺成江沱我徒逆溜
疾趨上亂汜而渡紛如驚高蹶一一奮髮鬣騅騮
駟駟駟驪驪中泓翕沈不可厲挈音何處尋輕舸
千金豈惜一壺借飛江那得長組拖宛在恆河得

寶筏亦如槎客求星娥呂梁入險恃忠信夢涉大水甯非疴鯨鯢遁藏百怪伏恭承

天命龍神呵跋烏吐燄扇大壑高原臚臚仍嘉禾
亟其乘屋火待舉已免婦子成媧羸

皇仁軫卹更無量貽我麥種盈筐籬元枵中天趣
耒耨新苗入望浮青莎從此祥風送輜使好上擊壤
康衢歌

九月初七日風雨

飛雲如夢屋如舟木葉初零雁始遊漳水不歸全
入衛愜山無恙正橫秋一天風雨重陽近滿地波

溝大澤收多少窮黎盼冬日戒寒先爲授衣謀時勸僚屬共捐施綿衣隨賑散放

初八日仍雨疊前韻

野水纔迴散粟舟蜻延無賴又羣遊

水園各村以舟載米按戶

撫卹花迷舊圃憐叢鞠臺冷思賢負好秋有約翠微攜客上多情碧落待雲收龍山豈事誇高會榮酌先爲止雨謀

九日同人小集愜山書屋用張曲江九日登

龍山韻

川原洊澄清天宇已寥曠蕭蕭旅鴻飛矯矯孤鳶

銅梁山人詩

恒山集卷十四

上極目多遐心懷古成高望嗜酒故不凡落帽奚
所悵戲馬風何雄客兒詩亦壯陋彼桓與劉飛揚
各異狀豈如段干臺古賢蹟可訪準繩視飛鳥規
矩秉意匠汗漫延景光擎斂無浮尙羈縻辰正良
朋酒義非望山南未日斜籬角始花放穆如金石
歌雜以箏人唱遙情憶金門誰中九方相時黃倩
應試京兆

霜降桂花復開喜而作歌

老桂吹香香不絕細枝簇簇堆黃雪
離離雁去豐鐘鳴更遣瓊瓏對寒月
書堂有客方悲秋飛飛草

草空雲浮青女多情擅才思金飈碎剪爲花毬霜
林纚颯商絃勁獨曳黃裳自端正翠鬟相倚修竹
寒曇霞欲與蒼松競仙人鸞珮何將將連蜷與子
聊相羊須知金粟前身影豈獨黃花晚節香

夜晴獨酌

霜下寥天肅杓南雁影翻卷簾邀碧月隨意泛金
尊老桂生秋子幽蘭有夢痕晴臯遙送喜宿麥蚤
盤根

集飲香齋觀鐙下鞠花以題分韻得齋字七

截二首

金華集卷之四
月白香清綠滿懷融融冶冶動高齋更燒銀燭屏
山照比似東籬日影佳

好花須令植庭階便與芝蘭共一齋美醞如金人
似玉珠圍黃裏笑檠釵

銅梁山人詩集卷第十五

渝江王汝璧鎮之

得古玉印章文曰梅清鶴瘦感而賦此

姑射仙人緱嶺笙同龕彌勒不勝情前身定是林
君復鶴子梅妻過此生

冬菊

騷人感遲暮貞萼獨稜稜天與傲霜性人稱耐久
朋愛延冬日永靜覺晚煙凝翠袖甯嫌薄香肌正
若冰

冬桂

優曇誰乞與結習自三生青子雪中長瑤枝霜外
明影同人共冷香與骨俱清應得隨萸萸高花落
更榮

初寒

悄悄玉琯未飛灰側力寒聲下古臺凍羽凌兢依
碧樹春心漏洩有黃梅獨居豈免傷離索逸興還
堪付酒杯從此曼花頻散處揣稱侔色待高才

冬晴

繡綫頻添晷芻尼喜弄聲人情趨歲晏天意重冬
晴碧落高逾靜霜花曉更清負暄同向暖挾纈遍

柴荆

冬月

一片水精魄冰光凝素空最宜添雪白乍可照爐
紅風色冷如此孤懷誰與同仙人愁正永碧海夜
方中

廣平道中微雪

寒林漠漠雪霏霏鎮日倪迂畫裏行依約香雲開
簷蔔分明月地下飛瓊吹來玉律方長至賦到梅
花太瘦生又是輶車游歷處麥苗新綠已盈盈

冬至憩梅花亭

有宋文
貞祠像

崢嶸日色下寒門舊夢新詩獨自溫
緹室何人添繡景驛亭有客憶梅魂
鐵心玉骨皆千古喬木荒煙又一村
不用踟躕愁歲晏微陽一點綻春痕

勘洛河

蹤跡洛河道沙痕未可憑
寒林棲落日野水結長冰
歲暮春聲急山寒雪意凝
周諮求濬復畚鍤待春興

次邯鄲疊舊韻

春雨垂楊路羸驂此屢停
今來新雪霽依舊遠山青
箏筑聲何壯仙人夢不醒
憑誰問宜櫺栩栩未

忘形

曉謁呂翁祠再疊前韻

便欲從翁住前旌不肯停一臆瞰影白兩眼夢痕
青煙散朝炊熟山寒宿霧醒玉池清瑩骨瑑瑑證
勞形

再憩梅花亭疊前韻

繫馬枯楊再欵門含毫徙倚小亭溫安能健步移
空谷忽到幽牕是古魂客子情懷似冰雪相公風
節在山邨曲欄往復頻凝伫翠羽高鬟有夢痕

永年堤上卽目

遠山依約黛痕低
遠水連天鏡影齊
絕似西湖比西子
便如蘇老在蘇堤
萬家雉堞樓臺
十里魚標浦
淑迷若得吳娘歌
水調一枝柔櫓好相攜

題曉心夢影圖

曉心閣藏古書數百卷
公餘焚香靜坐其中
以意爲園林
泉石華蘼具足
五色蝴蝶
百枚光采翕翕
蜎蜎上下如七襄之錦
如丈室之花
珊瑚然冷然遽然
栩栩然不足盡其致也
雪峯潘生作曉心夢影圖
予爲詩以寫其意

丹青樹外有仙洲高閣凌虛似舊遊鳳子三生來
少海予生於閩海漆園一夢足千秋隙中靜看春

駒過花裏如逢綵燕留願得好詩長供養年年日

暖午風柔

用謝逸句意

乙卯元旦

玉壺一色映朝霞霧閣雲牕瑞藹加三暮雪連三
日淞萬家煙散萬林花共知

帝力康衢遍豈獨貧兒飯甕誇

聖壽如天

恩似海春祺普錫浩無涯

霧淞用前韻

三素雲開煥采霞恆河沙界玉交加青娥冷綴春
前蕊銀海光搖霧裏花三白已徵農父慶晡時更
信野人誇俗謂霧淞主豆大穰漢八風占元日晡時爲菽魏臺一色空濛
際漸有春痕到水涯

盆中臘梅用東坡贈趙景貺韻

素娥調密爲此花天香乞得姮娥家定州花競色
如蠟真色天生貯尤物萼綠仙人知未知紅裳高
髻空吟詩豈如額霞新抹上眉葉一點嬌黃更奇
絕東風吹夢來孤山星冠羽帔寒未眠道人忽騎

黃鶴去借我黃昏暗香句屏山釵影低于人璫瓏
香珀聊贈君春風一夜思飛越何時天雨優曇鉢
素心蠟梅最後開疊前韻

化工刻意爲此花鉛華不借東皇家春寒兀坐味
如蠟庖事閒情攬春物心心結愛誰能知玉壺春
色冰雪詩笑他金銷粉浣生愁葉獨立亭亭乃佳
絕座中有客頽玉山琉璃鍾側醉欲眠飛夢好隨
圓月去素女青娥索題句遲暮無須怨美人黃裏
白閒端讓君新辭疊唱何清越小玉吹笙我擊鉢
雪夜宿瑞河店曉渡滹沱河用東坡北臺韻

與孟倅州立吳壻芍坡同作

燈前又見玉纖纖野店荒更鼓未嚴茅屋有情同
賞雨春風何處更吹鹽攜來月影周莫葉宛在旛
花壓帽簷距元夕立春又一月矣一夜相思飛玉蝶香凝絮
被曉風尖

飛舞前旌噪喜鴉雲中彷彿下瑤車曉風吹夢尋
鴻影密霰翻空似浪花去秋滹花大水天入恆河千里色

春融畿甸萬人家玉虹百尺重經處新水方生路
有叉

雪霽過宓城寒甚

風雪高樓別思長
冰壺有意勒春光
野田積玉連天白
凍暑摩風市地黃
古帝城寒厓戶靜
荒村酒熟瓦盆香
停鞭依約聞彈指
柳眼微青已向陽
時吳壻赴禮闈試

過定州疊前韻

每過中山飲興長
況逢雪後好春光
沙痕度水縈新白
柳色依人着淺黃
雪浪低徊吟好句
花競料理貯幽香
舊遊風月渾如昨
飛夢還應到獄陽
上春由曲陽取道過此

過涇陽驛口號

銅梁山人詩

卷十五

六

銷魂兩載黯神傷
別恨悠悠逝水長
又是一春芳草色
東風灑淚過墜陽

新樂道中

寒臯雪淨馬蹄輕
往復眞如磨蟻行
古廟春風羲聖里
平沙野水鮮虞城
觝幽樂趁嘉辰薦時值春分緯
耒人趨小卯耕
花信幾番吹送客
柳梢輒語有新鶯

春陰

弱柳悵悵糝翹塵
流雲忽忽駐苔茵
凌兢曉色留殘夢
料峭餘寒勒閏春
細雨暗遮微醉客
好花紅

近倚樓人端居莫漫增愁思待看甘膏潤物新

三月十五日集飲香齋賦牡丹

廣情良會致相於佳士翩翩接珮琚白日當天三

月半

玉溪句

春光流水二分餘嬌雲作意遲遲放綵

筆生香宛宛書爲品羣芳誰作壻

東野詩芍藥誰爲壻

青顰

紅笑總難如

再賦牡丹用前韻

名花本自出林於

牡丹始見於謝康樂謂永嘉水間竹際多有之

移贈幽

齋似報琚品格要爭姚魏上詩篇不數白歐餘無

雙藍玉生成匹第一韉紅特筆書芳思無涯春放

誕琴心鬢影笑相如

遠香雅林雨茂才韻苔上舍見和前詩疊韻
奉酬

翠幙春風得所於品題字字比瓊琚由來洛苑天
中色豈似唐花爨下餘錦繡段要平子賦玉盤盂
重老坡書笑予結習原無着嚼遍紅霞亦澹如

新夏觀亭射飲

新波動碧沼喬木生翠陰虛亭一何爽涼意猶愔
愔裘屐聚童冠樽酒聯朋簪插羽各佼佼張侯來
林林雖無絲與竹鳴鶻激清音的如曉星白暈似

午日禋神凝志斯正氣合情彌深揖讓化爭競勇
往無侵尋控弦乍決昔衆綠開森圯乃知夙夜功
應手得自今笑予力孱薄挽強尙能任豈惟觀德
容亦以警惰心茲邦氣殊悍制之無前禽敢希運
甕侃庶異飲醕參

曲水流觴用前韻

高雲養晴晝碧景移庭陰引渠抱曲榭暗水流情
情惠風集羣彥花枝拂瑤簪此地有竹石何必矜
茂林移情過吾師激激聞古音豈獨澹塵慮亦已
板旱禋于焉此拍浮就淺還就深蓮舟杳何自槎

仙倘可尋鴟夷尤滑稽高下爲浮沉衢尊聽斟酌
濫觴匪自今誰得如王江長鯨吸可任雖無龍門
標亦有砥柱心濠梁無俗客杯湖有馴禽斗柄正
可挹秉燭待橫參

竹醉日酌以巨觥漫歌爲壽

酌酒飲竹竹有知仙裳笑舞含風漪竹君酌我我
亦醉頽頽飛珮天風吹嘗言無竹令人俗無酒竹
亦難爲醫有美人兮竹爲友竹能中聖人乃奇人
亦不可得竹亦不可移爲人厭者遠避之有如漫
叟梧湖詩翠袖何娟娟酌君以大斗膚寸雲煙生

只尺蛟龍走下士大笑如蒼蠅不如銅鞮小兒齊
拍手竹日公飲斯之二蟲者夫何知我幸不爲叩
猿之叫嘯亦復不遇湘雨之離披飲香之齋忍冬
榭竹畔有忍冬
籬花最盛與公無事同遊嬉可憐慊慊子簣
舌如張箕執德之不愆何捐毫末爲有斐君子圭
璧姿蕭然自有威與儀綽虐顧我甯非癡君不見
竹林高賢竹溪逸鸞翔鳳翥終日相追隨

夢中得句云淡雲微逗雨疏樹不藏煙足成

一律

晞髮樽桑曉高情正栩栩然澹雲微逗雨疏樹不藏

煙鳥下晝方靜
花開人欲仙
不須煩鼓吹
呖笑何緣

卽席次朱雪濤韻

無言且復勸金卮
何必瓊瓏唱好辭
鳳鳥能歌鸞自舞
仙人獨立又多時
皎如明月入牕櫺
半曳銖衣色淺青
最好無絃琴在抱
仙翁醉倒未須醒

立秋日同人燕集

碧筩嘉讌集
寶僚射覆分
朋氣正驕豈有酖人羊
叔子毋多酌
我蓋寬饒三星正
正猶當戶一葉瑱

琤未肯凋莫遣商聲動蕭瑟高秋腹飲好招邀

不寐聽雨

鬢絲蕭散淨無塵獨夜初秋意倍親斷漏雨聲清
入夢微涼燈影綠依人紛紛香篆渾無着栩栩花
魂似有因最好灑牕頻送喜關心禾黍正懷新

七夕雨

萬縷情絲颺蜘蛛好乞靈人間秋杳杳天上雨冥
冥古淚銀河積新愁玉露零不須酬喜鵲爭肯忘
雲輶

秋夜口占

一夜雨聲澁候蟲鳴正繁阿誰眠未覺飛夢到秋
軒

星影欲投戶燈花開正青此時讀書子應抱握奇
經

暗響動苔甃冷風吹露墀遙鐘微斷後缺月未來
時

秋蛭未成翅秋稼欲埋尻澤下又生尺蟲殲已滿
壕

月下納涼

月色清如水好雲扶上東孤光自懷抱涼意與人

同坐看河山影相忘苕藻中
候蟲交贈答吟弄喜
秋風

喜諸女習射觀亭作歌

笑予不武亦不文有女能書復能射
碧梧浣露新涼生清曉園林足幽暇
亭亭珠樹女弟昆各珮雕翎持玉弣
兩行金鳳紅蕨蕤鵠雲五色重輪駕金
廳一點激飛鳶魯鼓聲中綵毬下神凝
志正君子容豈比秋花爭姪姪得雋恬
然負亦奇勝氣矜情兩俱化射虎心同
繡虎專穿楊巧向穿鍼借女子何妨六
藝通木蘭豈在郎官亞桑弧豫意警素
餐

見說井曰勤勞功不差吁嗟西河灑淚又經年繞
膝青鸞免悲咤

雨後書懷

魏臺雲氣曉沉沉萬井炊煙結晝陰老圃秋花開
繡纈大田甘雨抵黃金風前翠袖縈詩思露下蒼
葭寄遠心離索多時懷二士謂苟坡蒼茫小立動
孤吟

中秋對月感懷

何人倚樹獨含愁辛苦年年玉斧修孤景天中渾
自思故人泉下已三秋彩鸞夢斷雲空杳金粟花

深露不流自是閏年霜信早一聲新鴈度高樓

銅梁山人詩集卷第十六

渝江王汝璧鎮之

九日肥鄉道中

紫萸香細拂征衣策馬高原勝翠微
木葉蒼深煙未瘦麥苗綠縹土偏肥
隨車載取金英伴前路相迎黛色圍
一夜甜霜秋正暖西山蚤起看晴暉

北地早霜謂之甜霜

曉過圓津庵用前韻

酒痕花氣滿秋衣小立招提夢雨微
爲問老僧何太瘦休嗟我道不能肥
舊題壁自紗籠護新募緣

輕玉帶圍方恪敏公三度留詩於此今屋宇稍圯來青觀察議倡重修他日勝
遊經寶地炫人金碧弄雲暉

月夜過栢林寺

颼颼兩掖起松風讀書嘗茶興不窮

寺有吳道子畫水樹

影似龍還似象月光眞水亦眞空飛鴻遠度寥天
外清梵微聞古柏中便欲扣扉尋懶瓚地爐芋火
正通紅

曉發藥城

霜色白於馬蜩毛生敝裘宿煙沉遠樹暗雨濕平
疇蘇老猶遺躅藥家祇故邱據鞍憑弔處儒術景

前修

渡滹沱

驚鴻已去水微波折到夫容古恨多正是斷魂秋色裏又吹寒雨過滹沱

宓城驛

每過羲皇里如親邃古風遮茆蔽風雨擊壤走兒童秋色楓天外寒林卦氣中大田占有慶德施正無窮

新樂夜行

夜深息羣動役車正遄發及此天宇清彌覺澄懷

潔我馬方蕭蕭清商振林樾僕夫漸覺寒衣帶霜
花結勞勞星影馳澹澹波痕澈時有孤飛鴻沙頭
叫明月

柳枝吟

潯南柳葉青潯北柳葉黃秋風無兩吹一水爲分
張衢路柳枝短折多情易傷村路柳枝長繫馬神
揚揚柳枝豈異態行人自徬徨我歌柳枝吟如見
造化心春煙一披拂柔翠生濃陰豈惟多濃陰鳴
禽皆好音

定州

冷翠依依戀薄裘
兩行柳色十分秋
重陽節後絲絲雨
一路蒼煙到定州

過望都

豐鐘響應霜天急
古廟煙寒檜柏間
朶朶飛雲如擁絮
好風吹下慶都山

正定感懷

十年上谷傷心數
一夕恆山斷夢多
回首故人荒寺裏
漆燈冷雨定如何

曉次邢臺

滿襟紅葉好尋秋
僕僕星軺當薄遊
一夜霜花吹

大陸半城山色見邢州樽前舊雨相逢少樓上清
風好句留祇有百泉偏戀客十三年事似浮漚

生日書懷

清齋一室悟前修冉冉年華去若流半百心情渾
似少小春天氣勝於秋閒情花鳥聊堪伴隨意琴
書足解憂但使屢豐民氣樂兕觥歲歲好添籌

臨洛關

分疆趙魏此咽喉河北重關據上游紫阜遙嵐連
晉望白沙野水抱洛州卽今負郭深耕遍何代沈
沙古礪留

關內存古
砲十數

一片寒林眞似畫夕陽亭堠

有歸牛

宿趙州漫歌

有酒不須澆有茶且可喫茶酒何與人而若分欣
戚平原公子眞可人栢林老師亦大德想其易地
或皆然泉石風雲各職職我來逆旅虛無人碎裂
冰壺寒漏滴風聲獵獵燈輝輝如讀異書逢俠客
引杯自酌歌慨慷石鼎蒼蠅方淅淅正須一放冰
雪懷箇中議叩空明石

州有空明石
將雨先潤

栢鄉微雪

凍雞三號客先起敝裘淩兢如潑水僕夫如猿馬

銅梁山人詩

恆山集卷十六

如蜩一團瑟縮霜花裏寒林宿煙夢未醒乾鵲叫
人鳴太喜白沙茫茫欲際天河冰蹴碎寒狐死元
穹曠蕩多奇觀遠山堆墨雲如紙何人揮灑爲瓊
瑤玉女剪花報之以野人戴笠眞戴天下驅蝗
似驅鬼荒村下馬醉一壺頭上紛紛吹玉蕊錦囊
奇句無人知遙遙古寺茶煙起風雪連岡過栢人
雨花滿逕落松子

雨花菴四疊洪素人舊韻

雪氣欲侵骨孤懷思故人去來眞剎那詩句已纖
塵僧老新成塔花飛久不春低徊仍結習誰與說

緣因

雪夜度滹沱長橋

水天一色結元冰
亂舞空花萬萬層
忽見玉虹天際落
定無青辣浪中騰
三更鼓角寒聲壯
千里河山夜氣凝
蹴踏五花雲散處
山陰無此好風棱

大雪過宓城驛寄懷吳壻芍坡

紛紛壓倒枯樹槎
隨車屈曲烏梢蛇
分明百尺硃光絹
潑墨黥黥塗老鴉
顛張醉素筆久禿
天工爲我開心花
九宮布白局屢變
龍跳猊抉交騰拏
少時倘蕩愛白戰
赤手欲拔長鯨牙
敲詩雪地以竹

寫壁窠大字披銀沙小生咋舌老儒罵自謂嬉戲

皆英華竭來衮衮三十載夢中白鳳猶臻玳沃田

翁蛻

沈學子微君

子田死

任幼植侍御

二魚

程魚門編修兩汪魚亭西曹

雨

衲

大恆

隨飛霞生平知己百收一搏沙放手空悲

嗟馬頭雪花大如掌高歌屬和誰堪誇只今後生

有強伴吳郎尚可投木瓜前年老屋共擊盞一杯

一韻燈流赧今朝宓城獨就醉二月與子哦尖叉

別歸省親月九魄梁園吹出南陔華寒梅有信已

先放陽春遲爾東皇家懷人遠道冰雪積漳水凍

合魚書遐急題好句付征鴈數行整整還斜斜

雪中口占

雪花漫四野大地若冰壺一望天青黑前邨樹有
無年光駒過隙行客蟻穿珠漫待騶生律吹幽氣
已符

雪霽霧淞

旅魂昔昔在瑤車玉女多情嚼素霞宿霧冷按珠
絡索曉天晴展玉了叉疏林灑袂元無着大野埋
春未有涯絕似山經圖畫裡木禾開放滿天花

趙州何補園刺史留飲卽席漫與

感君顏熱爲綢繆暫許纖纖捧玉甌不用彈箏歌

忼慨從來跼躓擅風流何年解佩從交甫此日焚
香似鄂舟繡佛心腸渾被酒買絲且可繡纏頭

戲答

半醉中山日未曛玉壺仙伴喜同羣樽前舊雨兼
今雨夢裡燕雲雜楚雲東閣自來依水部春風從
此感司勲相思玉璞難雕處不繡平原繡鄂君

長至登邢臺西爽樓

春生六琯曙雲開望遠登高亦壯哉大陸煙光浮
積雪大行冷翠入深杯短簫遙擬湘雲動白紵先
俘峒長來路入燕南人意快歡騰士馬氣如雷

時楚

南俘送逆節
解京過此

邯鄲懷古

寒雲如夢立蒼茫
珠履茗花盡可傷
池上照眉空
夜月臺前炫服有
斜陽采桑好女澄
潭潔挾瑟才
人舊苑荒千載洪
波留逸韻青蓮倜
儻阮公狂

正月十六日小集

爆竹催元夕笙歌樂大年

郡俗以十六日爲過大年

月華浮白

滿人勝得春偏佳
客皆如玉新詩便
欲仙攝提當
戶正龍角十分圓

春風寒甚始見杏花示吳婿芍坡和之

金華山人詩
凍合青郊氣暗催寒雲一點破紅玫春從碧玉壺
中放花向紅樓雨外開獨與雪梅爲先後眞教桃
李作興臺東風好送探花客領取新香入酒盃

和吳壻春郊夜行馬上口占

青雲首路導前程試馬春原趁晚晴柳眼暗依人
影綠沙頭遙見水波明戴星客意爭先著緯耒人
家亟早耕指點銀瓶聊索飲清狂未碍酒爲名

清風店與芍坡作

朔風呌呌犬如豹荒雞噤瘁舌爲撝峭寒側側欲
刺人竹裂絲膠冷無調陽春二月走計車紛紛擲

果顏如花銀袍驄馬白藤笈逢迎到處喧箏琶惟
子臚黏似禪客苦嚼青松抱奇石坐令風氣皆寒
凝天花亦避維摩室笑余結習久坐忘玉壺一色
皆水光藐姑冰雪瑩神骨清風與我聊相羊

雪後憩雨花菴用壁間吳七雲宗伯韻

停驂聊憩止掃雪自烹茶閉戶春陰久支寒古棟
斜詩篇留指爪餅盞足僧家靜坐鄰虛裡紛紛感
歲華

雪田卽日

殘雪皎如鶴俯啄凍雲黑似螭盤空凝陰黯淡野

田色怪樹支離破廟風一行旅鴈寒煙外幾個烏
犍細雨中道遇田更相慰問大田首種待泥融

漫題彭芝峰別駕惜香圖卽次其韻

臙支着雨半含羞折取猶堪當酒籌欲問碧雞坊
下路蓬山端的隔神州

花下悄悄數舉杯夜深濃睡夢方回愁絲頰頰休
相妬一樣春風莫怨梅

立夏

一春強半是濃陰纔得晴暄夏已臨樹色乍依空
翠出波痕猶覺遠煙侵散花人去誰爲伴婪尾春

餘尙可尋遙憶簪毫上林客天街翠色滿衣襟

卽事

長嬴天氣始氤氲宿麥纔抽草正薰椿院風微飄
綠雪藥闌晝暖養紅雲靜看蟻陣圍初合忽送雷
車日未曛時方望雨竚見捷書飛火馬風清江漢掃蠻
氛

午日開州作

澶州日重午赤雲如火輪役車不遑息吉行何軒
軒時天久不雨旱氣多塵昏麥地已作龜兆坼黍
田難趁心中翻秫苗茸茸細於草烏健喘臥如鴟

蹲豐隆瑟縮雨工遁顛風晝夜爭
厖喧木郎顛倒口流沫勾婁歟
火無靈魂恭聞龍潭默致禱天龍
陰詈皆駿奔京師已見澤下尺
畿南千里來源源車攻此日正
南伐赤雨若日烏雲屯時發正鎮兵
二千勦捕楚
賊陽侯効靈阻南戒鼠賊不敢窺
襄樊竝聽饒歌動江漢天瓢掃盡
狼煙煇洗兵卷旆返河朔鳴蜩
高柳涼陰繁戎衣着雨換襪
芄芄新綠敷高原旱氣蕩滌兵革
靖龍神社鬼無憂煩吁嗟龍神社
鬼無憂煩祝以蒲酒盈金尊

滑縣道中喜雨

甘雨灑鄰境行人快被塵徘徊煙欲暝霰氣如
春東望雲停處遙知澤下頻一心何畛域赤子總
天親

宿兩門與彭芝峯孟丹亭小飲借用兩山門
是一山門句

兩山門是一山門把酒論詩到夜分飛夢千尋三
峽雨遙情一點小孤雲更須銅斗歌東野要倩蘭
亭寫右軍二君皆善書一夜燈花茅屋曉關心好雨正
紛紛

南樂村行

早雲如牛懶無用驅之不行四蹄重滿地頑沙起
撲人蓬蓬野荆綠如夢我乘渴驥歎且慙安得雷
車阿香送道旁蒼鼠拱立迎廟外泥人叉手共蒲
牢挂樹何時瘖鼻臥堦微欲動虛梁蓋屋中無
人粉絮微茫塞牕縫棗花細細開如春柳色濃濃
密成洞提壺叫客口欲乾驅驢索句奇難詠要令
雨腳來隨車莫教風伯竟終訟

喜雨

河朔纔驅旱荆南正洗兵清甯知

帝德歡躍見人情風力機雲掃雷聲歛火驚醴泉

流潤足到處得嘉榮

題彭芝峯抱琴圖

春風吹鬢酒盈卮中有琅然絕妙辭
會得無絃琴上意水流雲在已多時

迢迢星影挂疏櫺悟後眉山分外青
俯仰玉琴堪一世移情碧海夢纔醒

雜題畫扇

天然細葉間丹葩細細鉛膏點綴佳
正好麥收梁秀候薰風開遍米囊花

罌粟花

香風拂拂上紅襟火繖中天暑不侵
好與赤靈齊

插鬢更教簷蔔結同心

石榴
山梔

此君高致與誰同自有蕭然林下風
峭蒨寫來真意得不須欸戶問天紅

夾竹
桃

寫成真色與鮮香習習風生齒頰涼
正是雨餘蒸

菌候園官蔬果送盈筐

寫生
蔬果

紫雲披拂近衣香羅宅陶籬莫較量
正愛涼風斂

炎熱故教援菊繪新芳

菊花

令序祥風百願酬暗香浮動暑雲收
千頭柑柿百

區芋畫出人間萬戶侯

歲朝
圖

再題蔬果畫扇

采蓮歌罷菱歌歇娟娟海棠盼秋月木奴實大仙人來百合根蟠歌女結火雲冉冉風清冷秋園蔬果堆黃青一杯茶薦紫衣樹願我百室皆盈甯

北河七夕

碧雲迢遞冷無波清到魂銷恨更多金鏡玉鉤都不見有人愁絕在秋河

山安口

暑淨塵方淨心安山自安不愁青嶂隔但覺碧霄寬
延竚神多暇馳驅馬未暉相逢入山客指點話煙巒

雨後憩九松山疊舊韻

紅塵遮道笑行蹤
秋色于人有好容
開眼喜瞻天上日
披襟仍對雨餘峯
羸僧常似一拳石
熟客渾如未老松
便好雲中招九友
扶將登頓勝支筇

題潘皆山小照

衆綠生毛髮
寥天暑漸收
荷衣新浣露
鏡檻未知秋
獨嘯空林靜
憑虛碧景浮
江湖芳思滿
浩蕩想馴鷗

銅梁山人詩集卷第十七

渝江王汝璧鎮之

題滄陽張氏書齋用淵明讀山海經韻

秋風振林薄碧葉日已疏
獨茲喬木陰冷翠圍精廬
戶外無剝啄几上多奇書
襍被時一來槐下聊停車
迎人紅紫花雜卉兼嘉蔬
古藤挈蒼虬石丈相與俱
仙人久蛻羽挂壁方壺圖
藉得簡書暇臥遊聊自如

磁州九日

滄陽雷雨作重九火雲嶽嶽如三庚
是何霜節轉

炎燠要使秋物長滋榮柳條煙際結深綠芙蓉木
末含微頰南山白日射叢菊瑟縮不肯舒金英我
方行役走田野穰穰百室如坻京打場歡笑樂婦
子茱萸插鬢何盈盈麥苗丰茸剪新碧高原叱犢
還深耕紅塵火馬羽書急疾如電掣如飈驚農人
快樂路人苦人生所遇非同情不見秋風木葉下
江漢棉衣纔寄長征兵

時各營借餉製
送征兵棉衣

口占留別張氏書齋

暗雨絲絲細若塵西風寂寂掃苔茵
逡巡小住誰堪伴石上藤花笑倚人

邯鄲曉行

時護送福郡王靈輓北上

蕭蕭露葉落官槐
棗下風傳苑上哀
空想英姿來颯爽
早知飛夢出塵埃
新霜溢水旌旗冷
曉月邯山鼓角催
莫怪仙人眠未起
茫茫都向枕中來

過內邱

連岡煙樹合遠水
白沙合成靜涼生
埃雲歸雨在山豐
年多好語秋色老
塵顏于役未遑息
招提空閉關

趙州夜行口占

驛騎來何數征夫未解衣
人聲隨馬去風力帶沙

飛月黑衆星出村寒野火微茶亭僧睡熟花雨羨
紛霏

四楊橋

小橋鄰古寺因樹似軒楹不見漣漪綠時聞風雨
聲尋僧聊繫馬遮道故多情莫道材無用蕭疏本
性生

邢州夜雨用前韻

大行雲影黑飛雨到簷楹破屋燈無影新寒雁有
聲紛紜多斷夢飄灑不勝情曉起看青鏡霜華一
夜生

丙辰生日臨洛關作

客邸逢初度孤懷感百端
年華渾爛漫骨肉半凋殘
天氣萌春早村醪引興寬
紫山顏色好晞髮共盤桓

黃葉下如雨西風吹滿襟
愛茲冬日景更益歲寒心
地勢雄關壯軍門畫戟森
時護送京營
征兵駐此幾時徵調息
仰首看橫參

雪後過車騎關

四野漫汗合關門鎖白雲
農田豐有兆亭堠靜無氛
壁壘思當日羊牛下夕曛
寒臯憑眺處組練似

屯軍

重過滏陽張氏齋每日夕有鵲二十四宿古
槐上喜賦一律

古木寒煙客思清長風目送鴈南征恰當葭管吹
春候快聽芻尼報喜聲石屋繙書皆舊觀槐陰同
夢更多情消寒圖裡花初放廿四番風漸漸生

長至再登西爽樓用舊韻

曉夢依然翠色開凍霞銜日亦奇哉年年至此
爲客去去鴻雲數舉盃玉律已將春信至紅旗好
看捷書來麥苗一望連天碧村鼓神絃動若雷

邯鄲道中大雪用東坡北臺韻

寒林漠漠雪纖纖
風色凌兢晚更嚴
山接太行眞削玉
地開陸海似堆鹽
何人僵臥封祠徑
有客回車側帽簷
最好昏黃花亂舞
照眉池上月牙尖
瓊瑤滿地亂塗鴉
誰與劉生賦雪車
冷逼叢臺空炫目
春生黍谷正飛花
攜將灞水尋詩客
來問中山賣酒家
遙想招搖指江漢
霜風獵獵掃矛叉

人日立春小集桐茂軒用昌黎人日城南登高韻

獻歲杯不停曉春
筆初弄東風一夜來
墨池早開

凍觴詠時則宜箏琶置弗用簪花樂兒童賭勝集
賓從團圞座中人此日宜春共射覆競出奇觥籌
迭傳送大欲凌鈞鰲細不遺采葑人意爭鮮新春
情正豪縱雲物何恬熙俛仰無倥偬昂哉二三子
佳日好珍重

過臨洺關寒甚寄懷幕中諸友用昌黎雪後
寄崔二十六韻

首春發輒趨雄關太行雲氣霾千山遙知齋閣下
帷客正爾僵臥叢書間寒飈無賴日搜攪冰稜瑩
骨尤孱顏發奇絕險迭唱和鹽車峻坂艱且閑笑

予衝風走原野滿地攆拾皆枯菅玉蜺盤拳舞寥
濶赤手白戰難追攀蒼茫恆衛千里色冰光交貫
不可刪紫山童童黑如漆洺水圓折光環環颺颺
怒號僕姑響高興更欲强弧彎青蛾蜩縮不肯出
欲以巧勝非緣慳試看天花玉壺放仙人綽約甯
癡頑

趙州元夕

蒼茫煙海飛銀霞冰毬拋出光紛葩夜遊秉燭洵
足樂一更纔動嚴城撾我來燈市月如水鼇山火
樹相交加此邦舊俗尙游冶彈箏跼躑爭矜夸春

風今夕阿誰爲花天酒地燈流赧獨有道傍古蘭
若迦陵梵唄何清佳陀羅金色萬千臂一臂一鎧
如雨花世人不識空外月花影滿身皆月華中山
之酒栢林茶或爲佛子爲仙家笑予不醉亦不醒
二者甯可得兼耶

伏城雪夜用昌黎辛卯年雪韻

朔風吹溲洳征鴈不肯歸春光在何許四面冰雪
圍大茂結重陰石氣盤空飛縱橫走蛇鳥白戰誰
搴旂我馬衝突來颺爽花滿衣繽紛想梨雲剪刻
勞瓊妃風雪作煙九輝輝弄生機轉暝春花開未

覺春寒非圍爐且沽飲暖意知先幾來朝上谷游
孰謂鄒律微

保陽晤李載園楊米人彭芝峯再用昌黎寄
崔二十六韻寄懷索和

停雲往歲懷河關迢迢粵嶠連吳山彭郎別去亦
半載我乃僕僕恆嵩間始春襍被趨上谷意外會
合皆歡顏會城奔走足官府如車孰軌馬在閑陸
離眩目莽塵土雜糅蕭蕙紛麻菅諸君炯炯伺駒
隙頡頏裙屐來牽攀新詩妙筆出懷袖倚撫星斗
何能刪可憐翠羽哭荒嶺玉梅夢斷空瑤環

大庾李介

夫編修沒己宿草矣少年青眼事孰料王子春同介夫小集為料字韻詩有青眼

看人吾最少之句將種猿臂弓虛彎我生將種猿臂無介夫題予校射圖句也飛霞舉舉二三子獨此恨骨天為慳推書斫地三歎息玉丹莫笑仙人頑

題王雅林山居課子圖

幽居近安樂書帶正爛熳涿之仙峯坡有邵子安樂窩址雲氣

長縈石蒙泉未出山有兒通瑟僊終老對煙鬟他日傳家學枚臯伯仲間

上巳同人小集流觴集蘭亭字口占二律

幽抱托流水蘭風生帶絲時當春日盛事契昔賢

爲引楔文湍曲遊觴古詠隨放懷足娛樂清致竹
林期

古情欣會合春水快同臨一一觴爲遇修修竹有
陰清言得蘭契靜寄集亭林崇攬永斯口相於樂
自今

過車騎關

盡日顛風不肯停吹花擘絮滿郊垆荒荒野色無
邊白黯黯春痕未了青犂确當關排澗石蜿蜒引
勝接林亭黃雲瘦馬邯山道長笑仙人喚不醒

勘衛河堤捻途中口占

節候恢台近晴風麥氣和游絲吹馬疾新綠駐春
多陂障籌方切軍烽警或訛聞楚匪竄入豫境旋即西去洗兵
須好雨指顧聽饒歌

過故城營用舊韻

涉水夢猶昔沙痕一色同先春驗葶蘼未雨採芎
藭春樹遮行騎征塵急曉風催詩逢舊雨雲氣正
當空

馬上調袁立堂

何處班騅引夢思飄殘紅雨怨將離無人說與東
風面遮莫崔郎却在斯

冠縣道中喜雨

土氣欲埋樹雷聲先擘雲已看澤原野更喜蕩塵氛
麥隴平添浪沙堤細蹙紋此行纔遇雨吉語好頻聞

立夏日滏陽陳尉送鰕魚漫與二絕句

桃花新漲自徐徐流水奔輪轉饌車正好加餐頻
望遠南風吹上滏河魚時護送軍餉駐此

日日紅塵羽檄馳佳辰櫻筍繫人思多君繪出江湖意
細雨漁歸鷺起時

題行解壁間喜雨亭記後

銅梁山人詩

恒山集卷十七

雨珠不可襦雨玉不可粟三十六雨天帝心天子
天民氣相屬孰謂太守敢有之春秋無將有必戮
造物不有歸鴻濛堅白非白誣化工大言祇可詫
官吏小亭何足名太空大賢好譽尙如此何況井
蛙之見同夏蟲吁嗟伊誰之力我后德或從王事
斯有終

祝雨用前韻

曉起雲葳蕤小雨細如粟喜氣結濃陰風聲笑相
屬歛火律令驅阿香似聞魃女已就戮翠虬黑螭
來太濛古潭白勃飛雨工萍號一怒眾靈肅瓢傾

斗揭翻長空枯原儵爾變紺綠醴泉濺濺遊昆蟲
更祝豐隆火速洗江漢櫬雲掃盡日未終

題畫蘭

空山無人纖月出流水欲去微波生國香畫手兩
幽絕貌姑仙人爲目成

龍井鐵牌歌

邯鄲聖井岡元女廟在紫山之麓志載有
蛇黃頭綠尾時見井上每禱雨汲井有鏤
牌出雷雨立至輒鑄新牌投井以酬神應
今夏少雨如法取牌得雨三日霑足同人

作鐵牌歌亦紀一首

五金之精鐵爲水其神元武日壬癸庚泥乙乙盤
蒼蚪一十七施陰谷底太行鬱屈多精靈出以風
雨來如星黃冠翠尾獨雄長大青小青皆遁形平山
及滿城山中皆有龍潭青蛇居之號大青小青丁符未聞授玉女鐵券自
古通幽冥天遣媿訾作霖雨白叟不聞驅旱鼓應
龍畜水女魃藏青商不動元雲舞範鐵作矩函圓
方戴天如笠蟠青黃元金閼畧抱珠臥雌雷怒電
不敢張長繩百尺曳脾上兩工一躍凌天江須臾
馳鸞莽如注鐵牌便欲騰空去吹螺醺酒神延竝

歲歲椎牛飽神胙

對雨獨酌

綠陰濃似酒雨氣白於江便欲歌銅斗因之報石

幢

自邯山神祠請雨及
今凡得甘露七日

歡聲動簫鼓遠思寄蘭茝

漠漠停雲裏飛來鷺一雙

不期翻石井似欲動天江願得千年鍊鎔爲七寶

幢

淮南子元金千歲生元龍
時方鑄龍牌還邯山井中

元雲滋黑柁香雨薦

秋茝從此豐年屢甯誇麥秀雙

聽雨用前韻

一夜敲牕雨烏蓬如在江迢遙沉玉漏想像舞霓

幢曉夢入雲水孤衾生蒨苴水晶簾未捲簷溜聽
雙雙

留周鶴友飲咂酒再疊前韻

斗杓真可挹誰得似玉江縈黍宜吹管分朋若建

幢鄉風懷竹石

鄉人於竹下集飲風味絕佳

芳氣擷蘭苴爲語

愛蓮客碧筩須飲雙

周鶴友贈百衲琴賦謝一律

指下成虧不可尋梅花斷處古人心

古琴梅花由斷紋爲上

來取美宜膠漆便似良朋聚絃簪終古雲山留破

衲攜來風雨滿清襟秀奴更遣殷勤唱豈得焦桐

快賞音

琴景

客齋溽暑不可得琴乃就几上圖絃徽以
意爲拊清風穆然方之無絃琴進乎技矣

作琴影

斐几泠然意匠閒天成分寸得躋攀長松欲舞微
聞籟流水無聲暗出山自有風雲通絕逕可無環
珮在人間南華悟到指非指便更歇欽海上還
急雨長風過遠林虛堂寂寂澹孤襟適然自得琴
中趣空外纔聞指上音只尺便疑神鬼入蒼茫誰

識畫圖心淵明強欲分形影月午天高正可尋

瓶中白荷花

童子曉入門衣上湓河露手持白芙蓉以我玉瓶
貯我方理冰絃古意托幽素空堂剪龍綃破壁起
綠霧所思隔雲水離魂澹鷗鷺一彈江妃來再鼓
冰夷去不見弄珠人空憶凌波步劃然天爲開雪
片如毬聚巫峯碧攢霄太華雲擘絮月上天之涯
海在杯中注童子笑不知花頭俯相顧窅窅聞拏
音飛雨落何處

詠紅蓮

何時寶燄出龍宮
鏡裏花光更不同
冷翠多情遮
火傘
茜粧着意傲西風
飛霞頰頰層波影
野水參
差夕照中
一自紅綃人去後
誰將雙頰爲晞紅

聽蟬

雨過發清嘯
流雲未斷蹤
晚風涼習習
煙柳碧重重
望遠機絲急
懷歸鼓吹逢
遙知征蜀士
屈指杏
飛蜂

梨花春歌

磁人以九月釀酒
至三月開名梨花
春沁
浦毛君惠致一甌
歌以酬之

南北鼓去十五渾渾泡泡躍清湓石鼓瘖湓水平
但有佳酒無佳兵豐年土鼓報靈雨有酒醕我無
酒醕湓人家住湓水邊石眼靈砂沸如煮甘谷花
開九月天湓人釀酒汲湓泉賀蘭仙去幾千年神
麝啣艸來躑躑小槽滴乳珍珠圓一滴入口顏渥
丹壬公丁女作磁枕與君醉倒千日寢世間何處
無陽春纏綿夢裏花如錦落落莫莫來毛君贈我
滿甕梨花雲崧山之漿玉井蜜曼陀香散何醅飴
勸君休買拋青春妖紅稚綠愁煞人蝴蝶縱爾滿
芳草海棠倏忽成秋燐不如玉壺茅屋詩清新天

高月曙無纖塵清若空兮美且醅滢之水兮波漣
淪萼綠華兮珊然乎繽紛

赴聖井岡謝雨日正卓午甫入廟忽有飛雨
沾衣觀者訝然用昌黎山石韻歌以紀之

曉陰蔽日風微微西望似有商羊飛記從神山惠
靈雨綠雲甬甬禾苗肥陂陀一逕入蒙蜜岡巒複
沓人煙稀紫山千盤睡驪伏元湏在抱無旱饑諸
龍百怪古祠闕如入奧府開晶屏肅然冠帔坐神
姥兩行王女煙霏霏靈湫齋沈黑無底井幹鎮日
風雲圍森然魄動奠椒酒酌我飛雨沾裳衣舉頭

金少一
四壁聳鱗鬣彩蚪騎出無留轡道人從此譜新曲
神絃共唱龍牌歸

題聖井廟

月雲遮古寺飛雨若相迎不敢貪神惠於茲愜衆
情重岡龍勢伏積缺水泉清但願無雩請長資沃
土耕引泉可資灌漑